

և կ'երթային այլք և կու տային սոցա անթիւ կաշառ և սոքա կու գրէին թէսքէրէ մի վէզիրին թէ Շուտով զայն երկիրն կամ զայն քաղաքն այս անուն մարդուս տո՛ւր . և վէզիր եղածն չգիտէր թէ զի՛նչ առնէր . թէ զառաջինն փոխէր՝ նա՛ վայ էր խիտտ , քանզի Բ՛ ամիս է կամ Գ՛ ամիս է որ տվեր է նորա . և թէ չի տար՝ նա՛ գլխուն կու վախէր և կու տար յետի մարդուն : Այսպէս և մէկն այլ կ'երթար կաշառ կու տար սոցա ևս , զնա մանգուլ կ'առնէին և զնա կու դնէին : Եւ թէ վէզիրն չառնէր ըստ հրամանի սոցա՝ նա՛ զայն սպանանել կու տային թագաւորին եւ զմիւսն այլ կ'առնէին վէզիր որ իւրեանց հրամանօքն առնէր զամենայն գործն : Եւ ո՛ր պէկլէրպէկիքն կ'երթային ի սահմանեալ տեղն , բազում անիրաւութիւն արարեալ կու լացուցանէին զհնազանդեալս , քանզի տվեալ են բազում գրամ , և զաչքն ի յետս ունելով՝ թէ այսօր մանգուլ կ'անեն և միոյն այլ կու տան , վասն այնորիկ անիրաւութիւն առնէին , որ աշխարհ աւերեցաւ . եւ էին պատճառ ամենայնի սոքա : Ո՛հ զըզուիմ ըզճրելն եւ սորջիմ ի միտս բերելն եւ դողամ սարսափելով զձեռս յառաջ տանելն զխեղճս և զխայտառակութիւնս սոցա , զոր տեսաք աչօք մերովք : Որ այնչափ փառաց և իշխանութեան , տէրութեան և պատուոյ , մեծութեան և զօրութեան միջի եղեալ , և ո՛վ էր կարող որ զերեսս նոցա տեսանէր կամ առանց սոցա մանսուպ և զիամէթ , փաշայութիւն և պարոնութիւն մի առնէր կամ մեծութեան հասանէր ոք , քանզի բազումք ի մեծաց եւ շատք ի պարոնաց փափաք եւ կարօտութիւն քաշելով նրւաղէին և տառապէին թէ Զերեսս նոցա տեսանեմք և զգանկատս մեր և զտառապանս մեր ծանուցանէաք : Արդ այժմ՝ ո՛րպէս եղկելի եղեալ գարշելի գէշ նոցին , որ ի վերայ ծառին չինարի , կըտրատած և գլուխ ի վայր կախած և որում